

杜英助 我愛聖地

www.laijohn.com/archives/pc/Tou/Tou,Echou/love/Holyland/hltg

杜英助 我愛聖地（漢羅）

杜英助撰「我愛聖地」錄自《歷史上的主耶穌》杜英助編 初版 台南市 聖經世界工作室 2018 年 11 月 30 日出版。中文寫作，此漢羅台語文是林俊育長老所譯出。杜英助牧師，1939 年 11 月 30 日生於嘉義新港鄉板頭厝，1967 年台南神學院畢業，就投入教會的文字傳道與基督教教育事工，花在教會公報社 3 年，長榮中學 35 年，總共過 38 年，於 2005 年 6 月盡程退休。育有 3 男，即杜崇信、杜崇勇、杜崇道。



作者杜英助牧師赴英國進修留影（1979 年 12 月）

《歷史上 ê 主耶穌》chit-ê 主題，tī 近代 ê 神學家 kah 歷史學者經常 tī in ê 研究 kah 探討中發表真 chē 心得報告，而且根據 in tī 新約聖經四福音書以外所 chhōe-tiōh ê 相關資料公開討論。M-koh tī 台灣 ê 教會、牧者 tiān-tiān 無閒牧會、準備講道 kah 開會 khah 少提起。

微僕 bat tī 1979 年到 1981 年間，去過英國 Birmingham ê 宣教師聯合神學院（Selley Oak Colleges）進修「大眾傳達 kah 宣教」課程，kah 新加坡衛理公會 ê 一位牧師陳平和，iáu 有 tùi 印度來進修 ê 一位牧師 Daniel 等等三个進修生，深受英籍教授 Rev. Denys Saunders 牧師 ê 感召 kah 指導，tng 來到台灣開始利用 siōng 新 ê 一个「影音媒體傳道」方法 tī 長榮中學首創視聽中心，kah 地方教會從事視聽 ê 宣教事工。



英國伯明罕宣教師神學院 (Selley Oak Colleges) 大眾傳播進修班合影；Rev. Denys Saunders 教授 (後排左 2)、陳平和牧師 (後排右 2) 和杜英助牧師 (後排右 1) 合影。(1980 年 4 月)↵



英國倫敦教育學院 (South Thames College) 教育媒體編寫與製作進修班的班主任 (後排右 4) 與學員合影。後排右 1 是杜英助牧師。(1980 年 12 月)↵

為 tiòh beh 製作視聽圖像影音教學媒體，微僕 tī Selley Oak Colleges 修完一年 ê 進修課程了後，koh 受 tiòh Rev. Denys Saunders 教授推薦，去到 London 教育學院 South Thames College 專攻教育媒體（電影 kah 電視）ê 編寫製作課程。了後 koh 再去天主教位置是 tī 倫敦 Hatch End ê 電視廣播中心，koh 再研習宗教節目 ê 實際製作藝術課程。中間，koh 接受英國 BBC 電視台宗教節目 ê 製作人 London 浸信會牧師 Rev. Edwin Robertson ê 現場錄影拍攝指導。Tī 課程結束了後，非常感謝贊助微僕去英國進修 ê Christian Aid 機構，koh 再提供一筆旅費，前往聖地以色列用一個月 ê 時間專門探討 phah 一部長到 60 分鐘 ê 「耶穌傳福音 ê 腳跡」ê 8mm 有聲電影，bat tī tńg 來台灣途中，tī 美國 New York 市 ê 台灣教會首映，kah 會友分享。Tńg 來到台灣以後，koh ka-kī 買一台放映機，tī 長榮中學 kah 各地教會放影。事後，回應幾位牧師 ê 建議 kah 鼓勵，學以致用，koh kā 微僕頭一 pái 前往以色列聖地所 phah ê 幻燈片，精選數百張，tī 1985 年出版一本「聖地寶蹟精覽」彩色圖書，提供大家分享。



杜英助牧師（右 1）聖誕節在教授家裡與國際進修生
分享攝影經驗

近 40 年來，微僕為 tiòh 研究聖經歷史事實，親自幾 nā pái 連續前往聖經世界各國去考察、探討，hip 各地歷史現場 ê 重要景點，tńg 來台灣，tī 各教會 ê 松年大學教學使用，而且製作幾 nā 套 DVD 教學影片，輔助教學做見證，同時 mā 提供教會成做人主日學授課 kah 查經 ê 老師使用。

所謂歷史，微僕讀初中時期，tī 省立嘉義中學上歷史課 ê 時，有一位師範大學 tú 畢業 ê 林錦清老師 tòh kā 阮講，構成歷史事件 ê 故事，一定 tiòh 包含 4W1H，所謂 4W tòh 是 who(人物)、when(時間)、where(地點)、why(啥物原因)，á 1H tòh 是 how(結果 án 怎)。4W1H 缺一 tòh m̄ 是歷史，kan-taⁿ 是神話故事！所以 tī 本冊《歷史上 ê 主耶穌》文中，針對 4W1H ê 內涵 lóng 盡力做 siōng 確實 ê 說明。

保羅寫 hō 初代教會 ê 信徒講：「M-thang 求家己 ê 利益，tiòh 求別人 ê 利益。」（《全民台語聖經》哥林多前書 10：24）。本冊初版 ē-tàng 順利發行，tāi 先 tiòh 感謝上帝 ê 恩典，tī 經費上承蒙瀚宇彩晶股份有限公司董事長焦佑麒兄弟「活出愛」出資，慷慨贊助奉獻，微僕 tī 主內衷心感激。智慧者所羅門王講：「無智慧 ê 指導，人民就失敗；謀士 chē 就會得 tiòh 安穩。Kā 生份人做保證會大 khek 虧；無 ài kā 人擔保 ê 人就會得 tiòh 安穩。」（箴言 11：24、25）。願上主施恩賜福您 kah chìn 前 ê 贊助者楊瑛教授、馮偉晉牧師 kah 黃守義長老等人，加倍報賞 lín 榮神益人 ê 疼心！


微僕：杜英助謹識



英國 BBC 電視台宗教節目製作小組的負責人 Rev. Edwin Robertson 與杜英助牧師合影



英國倫敦 Hatch End, Catholic Radio and Television Centre 電視技藝編寫製作班師生合影，杜英助牧師
在前排右 1 / 1981 年 1 月 1 日



以色列地勢圖。